

**ՆՈՐԱԿԱԶՄՈՒԹՅՈՒՆՆԵՐԸ ՀՈՎՀԱՆՆԵՍ ԴՐԱՍԽԱՆԱԿԵՐՏՈՒ
«ՊԱՏՄՈՒԹԻՒՆ ՀԱՅՈՑ» ԵՐԿՈՒՄ**

Բանալի բառեր և արտահայտություններ. Հովհաննես Դրասխանակերտցի, խոսքի արտահայտչականություն, ածանց, բառապաշար, իմաստային, լեզվական կառուցվածք, նորակազմություններ, հարադրական, համադրական:

Ключевые слова и выражения: Ованес Драсханакертци, выразительность речи, суффикс, лексика, смысловой, языковая структура, неологизмы, аналитический, синтетический.

Key words and expressions: Hovhannes Draskhanakertci, expressiveness of speech, affix, vocabulary, semantic, linguistic structure, neologisms, analytical, closed /synthetic.

Սույն հոդվածի քննության նյութը Հ. կաթողիկոս Դրասխանակերտցու «Պատմութիւն Հայոց» երկի նորակազմություններն են՝ իրենց բառաիմաստային և բառակազմական իրողությունների հաշվառումով, որը խիստ արդիական է պատմական բառագիտության և հայոց լեզվի պատմության հետագա զարգացման համար:

Հ. Դրասխանակերտցին կաթողիկոս է դարձել Մաշտոց կաթողիկոսի մահից հետո՝ 897 թվականին, և որպես հոգևոր բարձր պաշտոնյա՝ ականատեսն ու անմիջական մասնակիցն է եղել բազմաթիվ քաղաքական իրադարձությունների: Քաջ գիտակցելով կենտրոնական միասնական քաղաքական իշխանության գոյությունը Հայաստանում՝ եռանդուն աշխատանք է կատարել այդ ուղղությամբ: Դրասխանակերտցու վարած բանակցությունները բյուզանդական կայսեր հետ ընդդեմ արաբների հայ գրականության մեջ համարվում է միջնադարի հայ դիվանագիտության նրբամտության մի արտահայտություն¹: Նա մահացել է 920- 930-ական թվականներին:

¹ Տե՛ս Ա. Առաքելյան, Հայ ժողովրդի մտավոր մշակույթի զարգացման պատմություն, Եր., 1959, էջ 461:

Հովհաննես Դրասխանակերտցին 10-րդ դարի պատմագիր է, և նրա մասին որոշ կենսագրական տեղեկություններ իմանում ենք հենց իր միջոցով: Հ. Դրասխանակերտցու պատմությունն առաջին անգամ տպագրվել է Երուսաղեմում 1843 թվականին, իսկ երկրորդ անգամ՝ 1955-ին Մոսկվայում՝ Մկրտիչ Էմինի կողմից, երրորդ անգամ՝ 1912 թվականին: «Պատմութիւն Հայոց» գիրքը թարգմանվել է նաև ֆրանսերեն: Դրասխանակերտցու պատմությունն ընդգրկում է 10-րդ դարի արաբական տիրապետության օրոք Հայաստանում տեղի ունեցած իրադարձությունները: Պատմությունը բաղկացած է երեք մասից՝ առաջաբանից, բուն նյութից և վերջաբանից: Այն գրված է զգացմունքով, գեղեցիկ և ազդու՝ աշխատելով ընթերցողի մեջ ատելություն արթնացնել դեպի թշնամին՝ իսմայելացիները:

Ըստ անհրաժեշտության դիմելով հայերենի բառակազմական օրինաչափություններին, օգտագործելով մայրենի լեզվի բազմաթիվ հնարավորություններն ու իմաստային բազմազանությունը՝ Հովհաննես Դրասխանակերտցին «Պատմութիւն Հայոց» երկում ստեղծել է նոր բառեր ու արտահայտություններ՝ հարստացնելով թե՛ իր ստեղծագործության, թե՛ մեր լեզվի բառային կազմը:

Հ. Դրասխանակերտցու երկի բառապաշարը պատկերավոր է, հարուստ բազմիմաստ բառերով և դարձվածային արտահայտություններով, հոմանիշներով, յուրօրինակ մակդիրներով ու փոխաբերություններով: Նա օգտագործել է հետդասական գրաբարի բառաստեղծման հզոր ներուժը նոր բառերի կազմության համար, թեև, իհարկե, երբեմն ստեղծել է նաև նորակազմ բարդ և ածանցավոր արհեստական բառեր, որոնց իմաստային բովանդակության բացահայտումը դժվարություններ է առաջացնում: Առանձնացնելով նորահայտ բառերը և հնարավորինս բացահայտելով դրանց իմաստային բովանդակությունը՝ մենք վերլուծել ենք դրանք ըստ բառակազմության և խոսքիմասային պատկանելության:

Հ. Դրասխանակերտցու «Պատմութիւն Հայոց» երկի մեջ տեղ գտած նորակազմությունները բաժանել ենք երկու խմբի՝ ա) նորահայտ բառեր, որոնք վկայված չեն գրաբարյան բառարաններում, բ) նորակազմ բառեր, որոնք այդ բառարաններում կամ դրանցից որևէ մեկում արձանագրված են որպես մեր քննության առարկա երկում հեղինակի կողմից առաջին անգամ գործածված:

Հ. Դրասխանակերտցու կողմից առաջին անգամ գործածված և մեր կողմից դուրս գրված 300 -ից ավելի բառեր արձանագրված են ՆՀԲ-ում՝ *դժուարաժայո* (292), *երագագիր* (5), *ձորադաշտակ* (15), *մարգարէաբարբառ* (235), *մարգարտատող* (197), *ոսկեփունջ* (102) և այլն, 23 նորակազմ բառ՝ Լ. Հովհաննիսյանի «Գրաբարի բառարանում»՝ *անդերանութիւն* (254),

ապիդատ (147), գաղտնական (276), դանդաղելի (363), դարավիլակ (163), էլուզակալուն (299), երերածուի (255), զուրաքսութիւն (32), զրաւուն (8), թէոնական (101), խոտորիչ (338), մարգարէաբարբառ (235), կանտոցահար (22), հեղգապաշաւ (366), հիւրամեծասիրութիւն (285), ճառագայթաւետել (352), պատուասիրելի (4), ցեղապատմութիւն (5), ցոլութիւն (364), քաջանձնեայ (135), 5 բառ՝ Ռ. Ղազարյանի «Գրաբարի բառարանում»՝ էլուզակալուն (299), զօրափառ (284), խարազանագգեաց (104), հրաշապէս (74), պիտելի (238), երկու բառ՝ Ռ. Ղազարյանի և Հ. Ավետիսյանի «Նորայայտ բառեր գրաբարում» բառարանում՝ տեսակարարութիւն (100), քաջանձնեայ (61):

Հովհ. Դրասխանակերտցու «Պատմութիւն Հայոց» երկում տեղ են գտել առավելապէս մեզ հետաքրքրող և որևէ բառարանում չարտացոլված երկու տասնյակ նոր բառեր՝ ի համեմատություն «Նոր բառգիրք հայկազեան լեզուի», Առձեռն բառարանի, Ռ. Ղազարյանի «Գրաբարի բառարան»-ի, Լ. Հովհաննիսյանի «Նոր հայկազեան բառարանում չվկայված բառեր», Ռ. Ղազարյանի և Հ. Ավետիսյանի «Նորայայտ բառեր գրաբարում» բառարաններին²:

Նախ և առաջ հարկ ենք համարում ներկայացնել դրանք բնագրային օրինակներով.

1. **Անպարադիր** –անպարփակելի: ...զանճառելի եւ *զանպարադիր*՝ Երրորդութեանն հոգեզուարճ բղխումն յինքն ճառագայթափայլեալ՝ զբոլոր Արամեանս ազն բուժեաց յախտից (39):
2. **Առաջիանկումն** –ապաշխարություն, ապաշխարանք: ...ապաշխարութեամբ եւ *առաջիանկմամբ* պատառեցի նովին սուրբ ձեռոք զձեռնադրեալսն (150):
3. **Բարձրաբեռն**–բարձրաբեռ: ...որ եւ *զբարձրաբեռն* տիրելն հիւսիսականաց ազգացն...(167):
4. **Գաղտագնացութիւն**–գաղտնի հեռանալը: *Գաղտագնացութեամբ* առեալ տանել անդրէն (112):
5. **Դասնաւոր**– կարգավոր: ...զկնի սորա համանուն սորուն Տրդատ ի *դասնաւորից* կացորդի յաթոռ հայրապետութեան (105):

² Տե՛ս Աւետիքեան Գ., Սիւրմէլեան Խ., Աւգերեան Մ., Նոր բառգիրք հայկազեան լեզուի, հ. 1-2, 1836-1837(այսուհետս՝ ՆՀԲ), Աւգերեան Մ., Ճէլալեան Գր., Առձեռն բառարան հայկազեան լեզուի, Վենետիկ, 1865 (այսուհետս՝ ԱԲ), Ղազարեան Ռ., Գրաբարի բառարան, Անթիլիաս, 2004, Ռ. Ղազարյան, Հ. Ավետիսյան, «Նորայայտ բառեր գրաբարում», Եր., 2007, Հովհաննիսյան Լ., Նոր հայկազեան բառարանում չվկայված բառեր, Եր., 2010:

6. **Եղիական** – Եղիային վերաբերող: ...*զԵղիական* պատերազմ յարդարեր ընդդէմ հակառակամարտիցն (243):
7. **Երկսաւոր**- հավանաբար նշանակում է «երկու հազար»: ...ընտրեալ արս իմն *երկսաւորս...* իբրեւ երկու հազար (114):
8. **Երուսաղէմացի**- Երուսաղէմում ապրող, ծնված: *Երուսաղէմացիք* զքրիստոսընկալ սուրբ խաչն վաղվադակի յուղարկէին նաւօք ի Կոստանդնուպօլիս (82):
9. **Յոխորիմաց** – խորիմաստ: ...կարծիս իմն ընդունի սիրտ իմ ի հակառակադիր եւ *յոխորիմաց* այլոց կամաց այս գործ համբաւոյ լեալ(79):
10. **Ընդհասարակ**- առհասարակ: ...նայել ի սէր ի միաբանութիւն եւ ի հաշտ խաղաղութիւն ընդ միմեանս եւ *ընդհասարակ* իշխանս Հայոց եւ Ադուանից (268):
11. **Խողական**- անհայտ բառ: ...ի զարշապարաց պղծոց եւ ի *խողական* երկրապիշ անցաւորաց ճանապարհի...(222):
12. **Յետսկոյս**- հետնակողմ: ...*յետսկոյս* առ ի նմանէն մղեալ անցեալ զանցեալ եւ թիկունս դարձուցեալ էին (321):
13. **Ներսուաղեալ**- մաքրել, ջնջել: ...հեղեղեալ, ողողեալ, *ներսուաղեալ* ջնջեաց Տէր (9):
14. **Շփոթութիւն**-շփոթմունք: ...սամարտութիւն *շփոթութեամբ* զմիմեամբք ելեալ...(23):
15. **Ուտեացի**- Ուտիքի բնակիչ: ...գօրքն *ուտեացի* անդառնալի գնային (219):
16. **Չքնաղատեսակ**-խիստ գեղեցիկ: ...արկաւ իբրեւ զօթոց զբարեվայելուչ եւ *չքնաղատեսակ* դիտակաւն Աշոտոյ (192):
17. **Պարագահութիւն**- ...ըստ վստահելոցն *պարագահութեանց* ի պաշտօն աստուածայնոյ փառացն (366):
18. **Սպասելար**- անստույգ բառ- ...հանդերձ *սպասելար* եւ պայազատ գնդին՝ զբազումս ի հազարացոցն թաւալզլոր խաղացուցանէին(245):
19. **Ստուգահաւատ** – ուղիղ հավատք ունեցող: Սա հպարտացեալ ...*ստուգահաւատ* ազգաց՝ լնոյր ապա զիւր կորստական խորխորատն խորհրդոց (81):

Նորակազմ բառերի ստեղծման բառակազմական եղանակները նույնն են՝ բառաբարդում և ածանցում՝ իրենց բազմազան արտահայտություններով: Նույնն են նաև գործառական ավելի մեծ հաճախականություն դրսևորող կենսունակ բառակազմական կաղապարները՝ ածանցավոր բառերն ու հոդակապով բարդությունները, իսկ գործածության տեսակետից

Դրասխանակերտցու հեղինակային նորակազմությունները հիմնականում ածական որոշիչներ են:

Ըստ բարդությունների խոսքիմասային արտահայտության՝ նոր բարդ բառերի կառուցվածքային կաղապարներում գործող ընդհանուր օրինաչափությունն այն է, որ առաջին հերթին ակտիվություն է դրսևորում գոյականը: Բաղադրյալ բառերի մեծ մասը կազմված է կենսունակ բառակազմական կաղապարներով, որոնցում, ինչպես նշվեց, հաճախված են հոդակապով բարդությունները: Վիճակագրությունը ցույց է տալիս, որ Հ. Դրասխանակերտցու բառապաշարին ամենից ավելի բնորոշ է գոյական + գոյական կաղապարը, որի շնորհիվ ստեղծվում են ածականներ գերազանցապես ռճական նպատակով և խոսքում դառնում մակդիրներ:

ա) **Գոյական+գոյական**՝ *արջառաջիկ* (249), *բծամիտ* (148), *գրագիծ* (9), *գառնահամբոյր* (229), *դիակոյտ* (162), *լուսաշաւիղ* (283), *ծովամարտիկ* (356), *հոգենիւթ* (182), *ձորաղաշտակ* (15), *մարգարէաբարբառ* (235), *պարտավճար* (140), *սպայակոյտ* (316), *տիեզերասահման* (282), *տիեզերաքարոզ* (282), *տղայաղիտակ* (76), *փայտայարկ* (75), *քրիստոսաղորոշմ* (51), *քրիստոսակարգ* (43), *քրիստոսակրան* (229) և այլն:

բ) **Ածական+գոյական**՝ *առաքելանուէր* (83), *արգոյակապ* (4), *բազմապատիւ* (43), *բարեձիր* (198), *դիրազորով* (329), *դժուարաժայտ* (292), *երագագիր* (5), *լիահանճար* (19), *խոհեմամիտ* (21), *խոշորաճաշակ* (287), *մոլենախանձ* (157), *չարակեղտ* (25), *չարայաչաղ* (147), *ստահամբաւ* (97), *ստուգահաւատ* (81), *փարթամաշնորհ* (215):

գ) **Գոյական+ածական**՝ *անձաւախիտ* (230), *դիւախորիտ* (334), *դիւամոլար* (364), *դիտակալայելուչ* (121), *իշխանապանծ* (177), *ձիախորիտ* (43), *մտահաճ* (4), *ջլածիզ* (175), *օգտածարաւ* (329):

դ) **Ածական+ածական**՝ *առաքինագօր* (273), *առաքինահրաշ* (349), *բազմաբաղձ* (70), *հարթայարմար* (204), *մոլենախանձ* (157), *չարախտաւատ* (227), *մշտնջենագուարճ* (41), *յորդաբորբ* (246), *չարավալաշ* (274):

ե) **Գոյական+բայ**՝ *աշխարհակեր* (264), *աչախիլ* (164), *աւագախիր* (88), *գահամեծար* (182), *գիշամուխ* (264), *լծաղիր* (22), *խարազնազգեաց* (104), *կաւափաղաղ* (220), *կուրապաղատ* (268), *հոգիախաղաց* (148), *կանանցախօս* (229), *կաւափաղաղ* (220), *հողահեղձոյց* (162), *ձեռածիր* (324), *ոգեպահ* (49), *պտղատաժօղ* (199), *ջրապատ* (229), *տիեզերաբնակ* (272), *ցաւակիր* (340), *փայլակնահար* (59):

զ) **Ածական+բայ**՝ *առաքինագարդ* (55), *բազմայորդոր* (260), *բազմապաղատ* (296), *բարձրաբեռն* (167), *դժուարամուտ* (286), *լիապատար* (142), *ձոխապաճոյճ* (252), *մաքրամատոյց* (366), *մեղկաշօշափ* (189), *չարախտաւար* (346), *չորաբեկ* (154), *պայծառակերտ* (72), *պերճապաճոյճ* (31), *ստուգագէտ* (72), *ուղղակարծ* (185):

է) **Թվական + գոյական՝ միախորհուրդ** (297):

ը) **Մակբայ+բայ՝ մշտամոռն** (287):

թ) **Բայ +բայ՝ յոգնածախող** (223), **պարտոխաթափ** (115):

Հ. Դրասխանակերտցու կերտած հողակապվոր բարդությունների մեջ կան նաև այնպիսիք, որոնք ստեղծվել են բարդ բառի բաղադրիչների տեղափոխությամբ, ինչպես *դաւադրժող* (177)- *դրժադաւ* (176), *վայելչադիտակ* (245)- *դիտակավայելուչ* (121):

Նորաստեղծ բառերում գործածության որոշ հաճախականությամբ առանձնանում են նաև անհոդակապ բարդությունները, ինչպես՝ *առաջիանկումն* (150), *բազմաշխատ* (76), *բանասուտ* (150), *գառնաշխատ* (130), *դժոխքմբերելի* (237), *խեցքեկոր* (54), *հանճարիմաստ* (328), *մահառիթ* (220), *յետկար* (105), *յոխորիմաց* (79), *չարադանդ* (338), *վաղընդփոյթ* (200):

Ածանցման հիմնակաղապարն իրենից ներկայացնում է մեկ հիմնական և մեկ երկրորդական ձևությի՝ ածանցի բաղադրություն, իսկ ըստ հիմնական ձևությի նկատմամբ ածանցի գրաված դիրքի՝ դրանք բաժանվում են նախածանցավոր և վերջածանցավոր կաղապարների, որոնցից վերջինները մշտապես գերակշռում են: Ածանցավոր բառերի սերող հիմքերը կարող են լինել ոչ միայն պարզ, այլև բաղադրյալ կազմություններ, ըստ որի էլ առաջանում են նախածանցների և վերջածանցների, ինչպես նաև տարբեր ձևավորում ունեցող հիմքերի ու ածանցների զուգորդություններ: Մենք ածանցմամբ ստեղծված նորակազմ բառերը առանձնացրել ենք՝ ա) ըստ հիմնական ձևությի նկատմամբ ածանցի գրաված դիրքի՝ նախածանցավոր և վերջածանցավոր կաղապարներ, բ) ըստ սերող հիմքի կազմության, գ) ըստ ածանցների՝ նորակազմ բառեր կերտելու ակտիվության: Նախածանցավոր կաղապարներում Հովհ. Դրասխանակերտցու երկում հաճախադեպ է **ան-** նախածանցը՝ *անգառագեղ*(344), *անկարեկիր* (162), *անպարադիր* (39), *անպողոտայ* (175), *անռամիկ* (330), *անփոշիշ* (112): Մեկ-երկու նորակազմ բառեր կան հետևյալ նախածանցներով՝ *ընդ*՝ *ընդհասարակ*(268), *ենթ*՝ *ենթամարդ*(297), *համ*՝ *համագուն* (213), *համախումբ* (181), *վեր*՝ *վերալարդալ* (267):

Սերող հիմք + վերջածանց կաղապարով նոր բառերի ավելի մեծ քանակը, անշուշտ, բխում է հայերենի բառակերտման առանձնահատկություններից, որտեղ վերջածանցումն ավելի կենսունակ է: Հովհ. Դրասխանակերտցու բառապաշարում զգալիորեն արդյունավետ են արմատ+վերջածանց, արմատ+վերջածանցավոր բառ մասնակաղապարները՝ հետևյալ վերջածանցներով՝ *-բար*՝ *պաճուճաբար* (198), *պանդխտաբար* (265), *պտուտաբար* (220), *վրիժաբար* (165), *-արդ*՝ *վիմարդ* (91), *-գար*՝ *լեզուագար* (185), *գայրագնաբար* (246), *-ակ*՝ *լեռնակ* (311), *պահնակ* (71), *ուժեղակ* (242), *-ական*՝ *գաղտնական* (276), *Եղիական* (243), *թեոնական* (101),

խրախճան**ական** (110), խող**ական** (222), հիւղ**ական** (246), նանր**ական** (172), սպարապետ**ական** (194), սրովբե**ական** (365), տրոփ**ական** (191), փարիս**ական** (155), օրհաս**ական** (172), -**ային**՝ տունջենային (364), -**անք**՝ դաւ**անք** (338), ձաղկ**անք** (205), -**աւոր**՝ դասն**աւոր** (105), -**ացի**՝ երուսաղեմ**ացի** (82), ուտե**ացի** (219), -**եալ**՝ պատմութեան**եալ** (176), -**եայ**՝ քաջանձն**եայ** (61), -**ելի**՝ դանդաղ**ելի** (363), -**եան**՝ իսմայել**եան** (87), -**իչ**՝ տոչոր**իչ** (231), -**ոտ**՝ շուայտ**ոտ** (19), -**պէս**՝ հարստ**ապէս** (14), նանր**ապէս** (365), -**ումն**՝ վտարանդ**ումն** (279), -**ութիւն**՝ շողովութիւն (288), պատրիարք**ութիւն** (52), -**ուտ**՝ ելուզակ**ուտ** (140), **օրէն**՝ ելուզակ**աւրէն** (299):

Բանաստեղծը հետաքրքիր, գեղեցիկ նորակազմութիւններ է ստեղծել նաև բայական ածանցներով. բայերի կերտումը այլ խոսքի մասերից տեղի է ունենում պարզապէս բայական վերջավորության կցումով կամ -**անալ** բաղադրյալ բայակերտ ածանցով³՝ խրախամտ**ել** (164), պարառոց+**ել** (196), պիտառոց+**ել** (143), սրատես**ել** (151), վարսաւոր+**ել** (258), վերելակ+**ել** (335), վերջարժ**ել** (366), տարաբնակ+**ել** (80), տրեխաւոր+**ել** (190), ուրոյն**անալ** (303):

Կան նաև համաձանցավոր նորակազմութիւններ՝ **անաւագեալ** (111), **անձեռոց**, **անտուղացեալ** (238), **անտուղութիւն** (122), **անտարրապէս** (193), **ասպաշխարողական** (232), **առածութիւն** (252), **արտախորակեմ** (199), **բաղաձայնութիւն** (363), **առկայթեալ** (276), **բացածանօթանամ** (360), **բացերեւակի** (335), **համապատուեալ** (324), **յարաբարդեալ** (239), **յարակցաբար** (17), **վեր+ընդ/կալուչ** (171), մեկից ավելի վերջածանց ունեցող բառեր՝ գեր(ի)չ +**ութիւն** (211), դաւ+**ող+ական** (185), դաւ+**ող + ութիւն** (97), ել+**ու/յ/զ+ակ+ուտ** (140), լք+**ու/յ/ց+ումն** (246)), խարդաւ+**ան+ք/ +ական** (223) խոհ+**ական+աբար** (100), պարտ+**ապան+աբար** (217), պարտ**ապան+ութիւն** (275), պտղ**եղ +ութիւն** (260), սեպի+**ական+աբար** (113), ուժ**եղ+ակ+աբար** (15), ուժ+**եղ+ական+ութիւն** (320), փախ+/**ու/ստ+է/եայ+ութիւն** (218):

Կան նաև զանազան բարդաձանցավոր բառեր՝ **անդերանութիւն** (254), **աջողաձեռնաբար** (114), **առաջիանկումն** (150), **առձեռնապատրաստ** (333), **բազմահարկի** (104), **բարեպաշտիկ** (280), **բարեպաշտունի** (241), **գահակարգեալ** (57), **գաղտագնացութիւն** (112), **գաղտակծութիւն** (218), **դարափլակ** (163), **երկնասահան** (364), **երկնացեղիկ** (271), **երկրահոսան** (364), **ըզձակերտութիւն** (43), **ընդդիմակռուել** (278), **թագըն(դ)կալութիւն** (20), **կուրապաղատութիւն** (268), **հնձանահարութիւն** (163), **հրապաշտութիւն** (59), **համբարածու** (26), **ձեռներիցութիւն** (116), **ճշմարտասիրաբար** (62), **մահաբերեալ** (227), **մշտնջենաբարոյ** (27), **շղուրտաբարոյ** (25), **չարակնաբար** (308), **չարիմացութիւն** (329), **չափչգիտութիւն** (149),

³ Տե՛ս Լ. Հովսեփյան, Գրաբարի բառակազմութիւնը, Եր., 1987, էջ 300:

պատրաստաբնականություն (274), *սպասահարկություն* (209), *սրագինեալ* (273), *տեսակարարություն* (100), *սրբամտություն* (273), *տնանկանոց* (46), *տնկակոտորություն* (160), *փայլակնաբար* (224), *փաստաբանություն* (32), *փսաղտություն* (110), *օրհնաբանականք* (365):

Հետաքրքիր են պատմիչի ստեղծած նորակազմ բայական հարադրությունները՝ *անիծակուր առնել* (45), *գրաւթափ լինել* (242), *գրաւամահ լինել* (228), *կոշկոճամահ լինել* (353), *հրդեհակէզ լինել* (339), *ձեռնատուր լինել* (100), *ձեռնթափ լինել* (230), *յորդաջու լինել* (327), *ջանահնար լինել* (295), *տապախարշ առնել* (85):

Այսպիսով, Հ. Դրասխանակերտցին իր «Պատմություն Հայոց» երկում հայերենի բառազանձը փորձել է համալրել ու հարստացնել նոր ու գեղեցիկ կազմություններով, որոնք հարստացրել են մեր լեզուն, և նրանցից շատերը այսօր էլ արդիական են և գործածելի:

Ս. Գրիգորյան

Նորակազմությունները Հովհաննես Դրասխանակերտցու

«Պատմություն Հայոց» երկում

Ամփոփում

Սույն հոդվածը նվիրված է Հովհ. Դրասխանակերտցու «Պատմություն Հայոց» երկում տեղ գտած նոր բառերի քննությանը, որոնք բաժանել ենք երկու խմբի՝ ա) նորահայտ բառեր, որոնք առաջին անգամ գործածել է հեղինակը, բ) նորակազմ բառեր, որոնք արձանագրված չեն գրաբարյան հայտնի բառարաններում:

Հեղինակը վարպետորեն օգտագործել է մեր լեզվի հարուստ բառապաշարը, ինչպես նաև, ըստ անհրաժեշտության, դիմել է հայերենի բառակազմական օրինաչափություններին՝ ստեղծելով նոր բառեր՝ դրանով իսկ հարստացնելով ոչ միայն իր ստեղծագործությունների, այլև մեր լեզվի բառային կազմը: Սակավաթիվ են նախածանցավոր-վերջածանցավոր նորակազմությունները, որոնք հիմնականում բարեհունչ են և կազմված են հայերենի բառակազմական օրենքներին և օրինաչափություններին համապատասխան:

С. Григорян

Неологизмы в книге Ованеса Драсханакертци "История Армении".

Резюме

Представляемая статья посвящена изучению неологизмов в книге "История Армении" Ованеса Драсханакертци, которые делятся на два типовые слова, которые первый раз использовал автор, и неологизмы, которые не имеются в больших толковых словарях древнеармянского языка. Автор мастерски использовал весь богатый лексический состав нашего языка, а также, по мере необходимости, словообразовательные возможности армянского языка, создавая новые слова, обогащая самым язык собственных произведений и состав литературного языка. Очень немногочисленны прификсально – суффиксальные неологизмы, которые в основном, благозвучны и образованы соответственно законам и закономерностям словообразовательной традиции армянского языка.

S. Grigoryan

Neologisms in the Work "The History of Armenia" by Hovhannes

Draskhanakertsi

Summary

The given article is devoted to the examination of the new words in the work "The History of Armenia" by Hovhannes Draskhanakertsi. We have divided the mentioned words into two main groups; a) newly found words which were used by the author for the first time, b) newly coined words which are not registered in the famous and most used dictionaries of Old Armenian.

The author masterly used the rich vocabulary of our language as well as he made use of the word-formation regularities of Armenian, in this way enriching not only the language of his works, but also the word-stock of our language. Those prefixosuffixal words, which are euphonious, are not numerous in our language and are formed according to the rules and regulations of Armenian.

Խմբագրություն է ուղարկվել 03.09.19

Հանձնարարվել է գրախոսության 10.09.19

Տպագրության է հանձնարարվել 15.10.19